

مشروع الحكايا والتاريخ الشفوي

ورشة المعارف

٢٠٢٠

الحكواتية: دالين جبور

السلسلة: تجدد

التاريخ: 23/09/2020

رقم الأرشيف: 20-TOH-001

نوع الأرشيف: عام

تجدد	السلسلة/الموضوع الرئيسي
20-TOH-001	رقم الأرشيف
عام (لا حاجة لإذن خاص)	نوع الأرشيف
دالين جبور	الحكاوية
غير مذكور	تاريخ ميلاد الحكاوية
23/09/2020	تاريخ ومكان المقابلة
تعطي دالين نبذة عن طفولتها في مناطق عديدة ضمن عكار، حيث أكتشفت موهبتها بالغناء التي ورثتها عن أبيها، وعن حبها للطبيعة وعلاقتها بها ، وكيف تطوّرت هذه العلاقة. تختار دالين بين إحتراف الرسم أو الموسيقى، ثم تغوص بالألوان الموسيقية التي تؤديها، حيث وجدت نفسها تميل لغناء النمط التقليدي التراثي منها، من بعدما كانت خطتها الأولية أن تكون مدرّسة موسيقية فقط. تحدثنا عن الحفلات التي شاركت بالغناء فيها، وعن مشاركتها بتأسيس "وتر"، فرقة موسيقية نسائية.	ملخص التاريخ الشفوي
ماريانا نقفور باحثة حاصلة على شهادة الدراسات العليا في الأنثروبولوجيا وهي تهتم بالتراث الثقافي غير المادي	معلومات عن الباحثة
زينب الديراني	التفريغ
شدره، عكار، الكورة، درب عشتار، راهبة، عين عكلين، صوت حلو، بيّ (بيّي)، جدّ (جديّ)، طبيعة، غناء (غّيّ)، فنّ، مرحلة المراهقة، رسم، موسيقى، معلمة موسيقية، مغنّية، مجتمع شرقي، ضيعة، مادة سولفيج، فن إستهلاكي، لون موسيقي، تربية موسيقية، النمط التقليدي التراثي، دكتور نداء أبو مراد، فتحية أحمد، أم كلثوم، وديع الصافي، نور الهدى، صالح عبد الحي، كلاسيكي، رقص، طرب، أولاد (ولادي)، تراث نهضوي، المستمع، مؤدية، مطربة، فيروزيات، فيروز، صباح، صبوحه، وردة الجزائرية، سعاد محمد، موشحات، حفلات، سهرة تراثية، عصر حجري، جيل الشباب، الجيل الكبير، عبد الوهاب، عود، جيتار، الجامعة الأنطونية، موسيقى صوفية، تجويد، دنيوي، تصوف، الطرب الأصيل، ندى أبو مراد، الإحتراف، حفلة الكونيا، عصر الطرب الحديث، بحرين، لبنان، برا لبنان، جمهور، ثقافة، غرب، باخ [Bach]، بيتهوفين [Beethoven]، الزلف، الجامعة اللبنانية، الأولاد، الأهل، إدارة المدارس، الراهبات، بيات، مشاريف، أصالة، وطن، لغة، اللغة العربية، شعر، فصحة، عرب، هوية موسيقية، الإرتجال، القصائد، بيوت قديمة، زمن قديم، مدينة، أم (ماما)، ست (تاتا)، دست، مربى، مونة، تحدي، أسمهان، فرقة، ترابط، إنسجام، قمر، أونوماتوبويا (onomatopoeia)، مجموعة نسائية إسمها وتر، فرقة، طرابلس، الصفدي، بيروت، جبل، جنينة، كورونا، عيشة الفلاح، طبيعة نزرع، خضرة، عزة، حليب، لبننة، جبنة، شنكليش، خيار، بامية، بندورة	الكلمات الدلالية

Rights of Ownership for the Storytelling and Oral History Project

The Knowledge Workshop holds full or co-ownership of all items that it archives and publishes. Recordings published on the Knowledge Workshop website can be used only for cultural, educational and non-profit purposes, and never for commercial purposes.

To use the material on our website, including the oral histories and their related images, we ask that you always reference the Knowledge Workshop with: Storyteller's name, interviewed by Researcher's name, Date, The Storytelling and Oral History Project, the Knowledge Workshop, Beirut, Lebanon, page number. [Ex. Nazik Saba Yared, interviewed by Deema Kaedbey, 2017, The Storytelling and Oral History Project, the Knowledge Workshop, Beirut, Lebanon, pp 12.]

To use the limited-use items held within the Knowledge Workshop, you can visit our office in Furn El Chebbak and fill out a permission form. You can use these items inside the Knowledge Workshop space, but we request that you consult with us on which items you can use. Some of these items require permission from the storytellers before being used.

حقوق ملكية لمشروع الحكايا والتاريخ الشفوي

لورشة المعارف ملكية تامة أو مشتركة للمواد التي تؤرشفها وتنشرها. التاريخ الشفوي المنشور على الصفحة الالكترونية لورشة المعارف يمكن استعمالها فقط لأهداف ثقافية وتثقيفية لا تبغى الربح، ولا يمكن استعمالها لأهداف تجارية تبغى الربح.

لاستعمال المواد على صفحتنا الالكترونية، من ضمنها التاريخ الشفوي والصور المرافقة نطلب منكم التنويه بورشة المعارف كمرجع باستعمال: اسم الحكواتية، قابلتها اسم الباحثة، السنة، مشروع الحكايا والتاريخ الشفوي، ورشة المعارف، بيروت، لبنان، الصفحة. [مثلاً: نازك سابا يارد، قابلتها ديمة قائدبيه، ٢٠١٧، مشروع الحكايا والتاريخ الشفوي، ورشة المعارف، بيروت، لبنان، ص. ١٢]

لاستعمال المواد المحددة الاستعمال الموجودة في ورشة المعارف (الغير متاحة على صفحتنا)، يمكنكم القدوم الى مكتبنا في فرن الشباك وتعبئة استمارة الطلب. بالإمكان استعمال هذه الموارد داخل ورشة المعارف، لكن نسألكم ان تستشيرونا عن أي مواد يمكن استعمالها. بعض هذه المواد تتطلب طلب من الحكواتيات قبل استعمالها.

مريانا نقفور: : ممم، اليوم 23 سبتمبر 2020 انا بن نقاش عم بعمل مقابلة تاريخ شفوي مع دالين جبور. اول شي بتحبي تعرفينا عن حالك اي سنة خلقتي، وين خلقتي؟

د.ج.: [00:00:17] دالين جبور . ممم خلقت ب-- انا من شدره من عكار، بس خلقت بالكورة، بمنطقة درب عشتار، ايه و كثير مهمة لألي هيدي المنطقة لأنو انا تعرفت فيها على، اذا بدك موهيتي بهيدي المنطقة، لأنو كان في عندي اول قربانة و هونيك الراهبة هي و عم تعملنا تمارين اكتشفت انو انا عندي صوت حلو و كان في الي اول مشاركة فعلياً انو كانو انا عندي هيدي موهبة كانت بأول قربانة وبهيدي المنطقة.

م.ن.: او كيه، توصفيلنا المنطقة لي ربيتي فيها شو بتذكري عنا لهالمنطقة؟

د.ج.: [00:01:04] انا ربيت بعدة مناطق لانو كان بيبي بالجيش و كان-- كان كل ما يروح على منطقة، فكان نتجبر نحن نروح معو، فايه، النطقة ال، الاولة كانت يعني لي خلقت فيها كانت الكورة بدرب عشتار بعدين رجعنا انتقلنا كمان بالكورة على منطقة تانية ممم اسما عين عكلين بعدين رجعنا انتقلنا على ضيعتنا الاساسية بعكار بشدرا و بعدين رجعنا جينا لهون على المدينة، بهيدي المراحل الثلاثة اذا بدك اربع يعني كمان قطعنا فيها

م.ن.: شو اكثر الاشيا لي بتذكريها من طفولتك هونيك شو كنتي تعملي، كيف كنتي تقضي وقتك؟

د.ج.: [00:01:45] او كيه هلق ال، بال—بال-- درب عشتار المنطقة لي خلقت فيها قتلناك اللي فيها اكتشفت موهيتي ايه طبعاً مرحلة يعني كنت بين لحديت تسع سنين عشر سنين، بتذكر انو كنت كثير شيطانه كنت حب كثير اللعب طبعاً الفن ما كان كثير و ارد براسي الي انو بلشت اتمرن بس صار في معي حادثة ما بنسبيا يعني، ممم و لازم خبر عنا انو انا لما الراهبة قتلتي بدك تعني و عندك صوت حلو ممم طبعاً انا و رثاننا عن بيبي لأن بيبي صوتو حلو و جدي صوتو حلو بس انو كانت الشرارة من انطلقت من هونيك. فالفكرة لي صارت انو لما كنا نروح نتمرن على التمارين الاول قربانة كنا كل ما نغلط، كنت كل ما غلط، كانت تضربني بالقضيب، فانا اذا بدك كانت منيح انو اكتشفت موهيتي هونيك بس الجانب لي مش منيح انو انا ما عاد حببت انو انا عندي صوت حلو لأن كنت عم باكل قتلي من وراه ممم، مشان هيك ما عدت كثير فوكست على الموضوع او ما حتى طلبت من بيبي انو بليز بيبي ساعدني انو انا بدي كمل هالموهبة او كنت كثير حابة انو انا غني او شي، فراحت القصة لحد انتقلنا على المنطقة الثانية بالكورة بعين كرين و هونيك كنت كثير الطبيعة حلو و كنا كان عنا حيوانات ننزل نلعب نحن وياهن بالطبيعة و انا من عشاق الطبيعة يعني بحب كثير الطبيعة، فالفن كان كلياً بعيد عني، ممم ولما رجعنا و صرت بمرحلة المراهقة و ثانوية و صرت قريبة انو بدي اتخرج قعدت بيبي و بين حالي انا بحب الرسم كثير يعني و قلنلو لبيبي انو انا عندي موهيتين انو انا برسم حلو و بغني حلو، فانا حابة فوت بواحد من المجالين. بيبي بيرسم قلتي انو لأن كان هو يغني بحب يغني و ما قدر عمل يعني المطرب و هيدا قلتي انا بحب انك تقوتي اكثر موسيقى. فمن هون اجعت فكرة انو اعمل معلمة موسيقى و مش اعمل مغنية ننبهي يعني انا بدي اعمل معلمة موسيقى و نحن ريبانين بمجتمع شرقي و ضيعة وكذا فالفن كان بعدو مش كثير محبذ يعني، الأهل ما كثير بشجعوا عليه بس انو معلمة موسيقى ليش لا و فتت-فتت على هيدا الأساس بالجامعة، هلق بالجامعة صارو الأساتذة بتعرفي بيكون في مادة "solfege" عم بسموني الأساتذة انو واو عندك صوت كثير حلو انو ليه ما عم تعملي غني ليه ما كذا، بكون مثلاً قاعدة عم غني بالصف لاقى هالتلاميذ كمن قاعدين هيك عم يتفرجوا و او اسم الله صوتك شو حلو، قلت انا لا هيئتو عندي شي مهم يعني لازم اشتغل على الموضوع اكثر، ولا بعمل شي ثقافة مثل ما انا بحب يعني بالفن مش ضروري انو روح على اتجاه استهلاكي لأنو ما كنت حب هيدا النمط يعني. وهيك صارت. ف، هيدي اذا بدك الخ- مسيرة حياتي بشكل سريع لحد ما وصلت انو انا مارست ال، او اذا بدك فتت في بالعريضة للموسيقى

م.ن.: ايه طب كيف تعرفتي على اللون الموسيقي لي انتي بتحبي وقررتي تتعمقي فيه؟

د.ج.: [00:05:28] بالزبط يعني هلق لما فتنا على الجامعة يعني بدي اعمل اختصاص تربية موسيقية هونيك تعرفت على الانماط اكيد يعني من ضمن الاختصاص وانغمت بالنمط التقليدي التراثي يعني حسيتو انا، حسيتو كثير بيثبهنني و اضافة على هالشي لمل كان في دكتور نداء بو مراد، استاذنا بالجامعة، مم لما سمع صوتي وهيك قلتي، قلتي بتغني مثل فتحية احمد مثل ام كلثوم يعني نفس عندك نفس الطريقة، حتى كانو رفقاتي يعني لل، هيدي يعني نهفة صغيرة، كان بس بدي غني انا بالصف يصيروا يعملوا ششش هني انو انا شي قديم كثير مع خشة عرفتي فصبحان الله يعني عم قللك حسيت حالي انو انا بهيدا ال، يعني هيدا مطرحي و صرت احفظ فنش على الاشيا القديمة و كل ما فتشت اكثر كل ما حببت اكثر، ممم و هيك صارت فاكيدي ايه اتعرفت عليها من خلال الجامعة و حبيبتا

م.ن.: في مطربات او مطربين اكثر شي اثروا فيكي؟ مثل تلحقي، ال--

م.ن.: اوكيه دالين بدي اسالك بتتذكرني اول حفلة شاركتي فيها؟

د.ج.: [00:20:26] اول حفلة كانت بالجامعة، و كنت مع ندا ابو مراد، ايه دكتور ندا ابو مراد، فايه اكيد بتذكرا يعني

م.ن.: شو كان شعورك هيك شو بتتذكرني؟

د.ج.: [00:20:37] شوفي يعني بعد ما كنت، ما كنت قابضتا جد مثل ما بقولوا، و مش يعني مصدقا عحالي انو انو كلن هيك عم ب"او صوتك حلو" و كذا، بس بعدين بتبليشي لما بتصيري محترفي يعني بعد ما كنت درست حتى غنى شرقي، لما بتبليشي تفوتي بالخط الاحترافي بتصيري تقبضي القصة جد اكثر، وبتصيري تفكري انو انا ما لازم اطلع بها الاستهتار، و انا لازم اشتغل اكثر على حالي. من هون بلش-بلشت اشتغل بشكل كثير جدي على حالي من موضوع المغنى، لأنو الغناء مش انو انا عندي موهبة و غنيت و خلص، لا. في خط، في ارادي، في اسرار بدو اخصتن هيدا النمط الموسيقي، انتي عم تحكي بنمط من اصعب الانماط الغنائية، فما فيكي تستهتري في ابدأ، بدك تكوني مجاهدة و بدك تشتغلي على حالك بكتير قوة يعني. و هيدا لي صار معي لأنو انا يعني، انا من الناس لس ما باخد شغلتي هيك على، لا بدي اعلمها على على الاخر مطبوطة. ف، و انا بعدني لهلق بشتغل على حالي على فكرة يعني، ولا مرة مفروض الانسان يحس انو هو وصل، دايماً بالموسيقى بدو يحس انو بدو يشتغل و بدو يتقدم و لازم يوصل اكثر و اكثر، ف--

م.ن.: بتتذكرني اكثر حفلات نسبي فيها يعني اكثر حفلات هيك عنتك؟

د.ج.: [00:22:11] ليكي اكثر حفلة، اكثر حفلة عملتها وكثير حسبت بفخر هي، حفلة الكونيا، الصوفية. لأنو هيدا، بتعرفني انو انا يعني حسيت انو انا عم مثل بلدي بهيدا الحفل، و كان تجاوب الجمهور international صوفية هي بالمرتبة الاولى، بعدين هو مع انو كانو اطراب و ما عم يفهموا شي، كان تجاوب جداً رائع، الاعجاب لي كانو-كنت عم حسو من خلال عطاني اكثر شعور بسعادي و اكثر شعور بفخر لانا شو-شو لوين صلت يعني، فهيدي كانت من اجمل الحفلات يلي كنت اكثر شي يمكن مبسوة فيها

م.ن.: ايمن كانك؟

د.ج.: [00:23:09] كانت ب، من حوالي سنتين، حولي سنتين ايه في كثير حفلات كمان، من سنة الماضي عملت حفلة جداً رائعة لأنو كمان كثير حلو و كانت حفلة مش صوفية، كانت حفلة طربية شاملة اذا بدك يعني شملت فيها ابرز مطربين energy كان ال-- العصر الطرب الحديث، ممم كانت بالبحرين وكانت كمان من اجمل الحفلات. شوفي المفروض على المطرب انو كل حفلة بعملا يحس انو هو-هي من اجمل حفلاتو ف، بس-بس دايماً يعني دايماً لما بتسمعي حالك بنقولتي انو بي عملت هيدي هون ما كنت لازم اعمل ما يمكن بس الانسان مش معصوم عن الخطأ و الفنان كمان نفس الشيء. ممم بدو يتقبل طبعاً انو نحن بالآخر كائنات بشرية يعني اكيد الخطأ وارد وكل شي، بس بالاجمال يعني في كانت حفلات كنت كثير مبسوة فيها و في حفلات اكيد طبعاً كنت عم حس ب، في حفلة بكيت من وراها، كانت في، كانت الفرقة تبعيتي ما كانت محضرة بشكل مطبوط فطلعنا على المسرح تبعلوك هي الدعم تبعلوك لما هني بكونو ضايعين push وكان كل شوي، مثل الضايع يعني فانت-انت كمطرب الفرقة هي ال-- اكيد انت بدك تكون مش مرتاح، بصير في كثير مع المطرب و هيدي لي بسموها الخبرة يعني خيرة الحياة، منكل حفلة بتعملها انتي بتكسبي-بتكسبي شي لحد ما توصلي للحفلة لي بترضيكي-بترضيكي من كل من جميع النواحي يعني. و هيدا لي عم بصير معي انو كل اخر حفلة عم بعملا عم بتكون احلى من لي قبلا و ال، و هيك

م.ن.: عم تحسي انو برات لبنان انو يمكن الجمهور عم يتفاعل احسن من الجمهور اللبناني؟

د.ج.: [00:25:07] ممم، للاسف ايه، للاسف لأنو بلبنان الثقافة الفنية معدومة، شبه معدومة يعني. هيدا لشي يعني مش ذنبنا نحن لأنو مثلاً خدي بالبحرين mall الثقافة هي شغل الدولة، ممم ما عدن هيدا ال، يعني مثلاً بتروحي على ايا بلد تاني بتشوفيهن بل-- بتشوفيهن حاطين موسيقى كلاسيكية عربية، نحن هون ما في منو هيدا الشيء او حتى اذا بدو يكون في بدو يكون في mall بل-- ميول غربي، ما في يعني الموسيقى العربية الاصلية تبعيتنا نحن معدومة! معدومة نهائياً، فأكيد العالم مش رح يكون هلق متجاوبين، كثير كبير كونا نحن اساتذة و عنا هيدي الرسالة، اكيد عم يمشي الحال بس نحن ما فينا نعمل شي لحالنا، حتى effort عم نعمل، بتعلمك باخ، ما بتعلمك فيروز ولا بتعلمك ام كلثوم، ولا بحتي Beethoven بالمدارس ما في هيدي الثقافة، الكتب بتعلمك، بالدينة تبعيتنا بسمعوننا التراث انما بدي شي تاني، يعني سمعوننا التراث، الزلف و الهيدا لهالولاد لحتالي يسمعو ربع صوت، يتعلموا يسمعو ربع صوت. هيدا الشيء يعني نحن من الجيل يلي طالع من الجامعة اللبنانية في اصحابي عم يشتغلوا على هيدا الموضوع عم نسعا انو نرجع نحبي هيدا التراث بس ان شاء الله، انشاء الله يطلع بايننا يعني، لوحدنا ما فيكي تعملي شي بدو يكون في، الاله بدن يوعوا، و الاله اذا مش عم تقبل الام تحكي عربي مع ابنه، كيف بدو يسمع العربي، ممم بدك ترجعي على المدرسة هي كمان بدا تشتغل شغلها يعني الإدارة، الراهبات، مش انو خلص نحن بدنا هيدا الشيء بدنا-ما بدن يفتحو على-- على شي تاني، فأنا بشوف انو القصة بدا شوي وقت، لازم تصير و بعقد--بعقد بتصير اذا منعطها شوي وقت

م.ن.: قلتيلي انو عم تجربو تحيو هيدىالاشيا، كيف عم تجربوييني بالحفلات و هيك؟

د.ج.: [00:27:24] بالحفلات، بالحفلات. يعني لما انتي بتعملي حفلة و ما بتفكري انو انا بدي اكسب شي مادياً انا بس عندي رسالتي انو انا بدي وصل هيدا الشى يعني انا مؤخرأ فكرت روح اعمل حفلة و ما بدي ولا ايا فرانك و بطلع انا و عودي لوحدي بس لأنو العالم هلق بحاجة لأنو نسمع شوية موسيقى شوي مع الظروف الصعبة، فبدو يكون في شوي توضحية يعني بالموضوع، ممم لما بدك تروحي تجيبي عاذف موسيقى و تتكلفي عليه و هيدا، هون بصير صعب كثير انك تعملي هيدا الشى، مشان هيك لوحك ما هلقد قادرة تتحركي بموضوع انك انتي هلقد تنتشري التراث، ممم ما ياست بس انو عم ضل-انا بعتبر الموسيقى هي متعى لألي، يعني انا بروح بعمل حفلتي و انا بستمتع بالدرجة الاولي يعني انانية القصة بس انو انا بدي انبسط و اكيد انتي اذا مبسطي رح تعكسي هيدا الشى للجمهور و هيك عم بتصير

م.ن.: بتلاقي دايمأ عاذفين او عاذفات ما يعرف اذا بقولو عاذفات، بحبو يدقو هالالوان الموسيقية؟ او بيعرفو بهالالوان الموسيقية؟
د.ج.: [00:28:44] والله ممم فكرة انو هيدا النمط الموسيقى هومش بس صعب على المغني، هوصعب على العاذف، فكثير صعب انو تلاقي حدا هلقد ممكن يضحي لأنو شغلي بدا كثير وقت و بدا كثير جهد، مؤخرأ انا تعرفت على شباب سوريين يعني من من امهر العازفين و تخلي يعني انو عم تحكي مع ناس professional يعني بتعطيهن برنامج من هيدا البرنامج الصعب انو بسكر راسن، تعود العاذف على يعزف خفيف، تعود يعني كمان المشكلة هون بترجع بتصير، بس لما بيضوت بيرجع، لانو كمان هيدا انو بيرجع حنينو لألو انو واو لا لازم نرجع نشغل على هالاشيا الحلوة فرجعنا، بيرجع بيمشي الحال يعني بش انو دايمأ في خوف من هالنمط

م.ن.: ممم عندي سؤال انتي بتحبي تعرفي ولادك على هيدي التقاليد الموسيقية؟

د.ج.: [00:29:53] اكيد و عم عرفهن، عم بشتغل انا وياهن عليه

م.ن.: مفتحين للموضوع؟

د.ج.: [00:29:58] مش مفتحين ولادي خلقوا ب-يعني ولادي خلقوا بيسمعوا بيئات، بيسمعوا مشارف سماعات فمعودين على هيدا الشى منا كثير غريبي عليهم، ابدأ ما بلاقي صعوبي بالموضوع و بحبو لانو خلقانين يعني سمعانين، شوفي مثل ما عم قتللك يعني الانسان عدو ما يجهل، يعني انا ولادي ما فيهن يكر هو هيدا النمط لأنن هني خلقوا من بطني هني عم يسمعوا هيدا النمط، قريب على ديتنن، بيعرفوا، بيغنو بيرندحو كل الوقت. ال-ما بيكون في الوقت.

م.ن.: دالين شو بتعنيك هيدي التقاليد الموسيقية لي بتغنيه؟

د.ج.: [00:30:38] شو بتعنيك هالموسيقية؟ بتعنيك الأصالة، انا حدا كثير، كثير بحب وطنو، كثير بحب لغتو، يعني انا برفض اني french و يعرف احكي لغة اجنبية، بحب دايمأ احكي عربي، اكيد نحن لازم نحن لبنان بلد منفتح و، انا بعرف بس برفض اني احكي الا باللغة العربية، و بحب كثير الاشعار، بحب الفصحى. ايه، فيمكن هيدا الشى خلاني اكثر انو انكبش بهيدا الشى لأنو بعتبر هيدي هويتنا الموسيقية يعني نحن عرب عنا نمط موسيقى جداً عريق و جداً مهم نحن لازم نكبش فيه اكيد

م.ن.: ممم، انتي بس تغني هيدي الالوان الموسيقية هي كلا من الماضي كمان الكلمت من الماضي، الالحن من الماضي، بتعدلي و بتشكلي شوي من هالالوان تتناسب مع زمانا الحالي او جمهورنا الحالي او بتجربي قد ما فيكي تخليها؟

د.ج.: [00:31:43] هلق ليكي النمط التقليدي في شي من الابداع، هيدي نقطة كثير مهمة للمطرب لأنو بحس حالو انو هو عم يعطي من ذاتو، عم بيدع، ممم بالموسيقى المعاصرة ما في هيدا المجال انك انتي تعطي من ذاتك، بس انو هي معاصرة و هي واصلة للجمهور و ما بدا تعديل يعني اصلن اناما بسمح لحالي عدل بولا ايا شي بس النمط التقليدي فيو مجال للأرتجال يعني كل الانماط ان كان القصايد ان كان المواويل ان كان حتى الموشحات في مجال انك انتي تعطي من ذاتك. ممم بالموسيقى المعاصرة يعني--يعني بس انو خلص ما بدا، هي ما بدا مشان هيك جربت اني انا دخل مع التقليد شوي option ما عندك هال--ما عندك هال-- معاصر ليمشي الحال، اذا قصدك انو انا ليش ما عندي شي خاص لألي، هيدا لي اظدك انو انا يكون عندي شي خاص لدالين من هيدا النمط مع هيدا النمط و طلع شي هيك جديد يعني؟

م.ن.: ما بعرف يمكن قصدي انو اذا بتلاقي حالك عم تجمعي بين القديم والجديد، انو هلق قلتيلي عن الارتجال مثلاً ايه

د.ج.: [00:32:58] ايه بالقديم فيكي عندك مجال هيدا الارتجال انك تعملي، و هيدا، هي حرية، حرية التصرف بالاداء، ممم فكرت اني اعمل شي جديد من التراث القديم و يكون اكثر هيك اقرب بركي اكثر للعالم، بس الفكرة انو بدك شعر يكون يعني انا حدا نيفة بالكلمات بدي شعر بالفصحى وبدي يكون شعر حلو و كمان الملحن من كثير صعب انك تلاقي حدا يرجع لهالنمط يعملك شي من وحي هيدا النمط، فحتى

جربت انا اعمل شي لحلي يعني بس ما بعرف يمكن يمكن عدم ثقة انو انا مين لحتالي اقدر اعمل بركي شي على هالمستوى الكبير
كمان لأنو وصلت لمرحلة انو ما بيعجبني العجب يعني

م.ن.: بس بتحبي تلحني، بتحبي انتي--؟

د.ج.: [00:34:01] ___ بحب عملت هيك كم شغلي يعني بس انا من النوع لي بقولو عطي خبزك للخباز لو اخذ نصه يعني ف

م.ن.: [تضحك] او كيه، ممم في جوانب من حياتك او من ابداعك مثلاً بتشوفي حالك عم تجمعي بين القديم والجديد؟

د.ج.: [00:34:22] [تأخذ نفس عميق] ممم لي قدرت عملتو هو اني قدرت جمعتن بي مع بعض ببعض الحفلات يعني لي عملتا، هيدا
هو بس انو بي انو شي ابداعي انا لا

م.ن.: او حيل جانب من حياتك بتحسي حالك عم ترجعي للقديم، بتحبي التقاليد القديمة؟

د.ج.: [00:34:39] انا بالاساس بحب القديم، يعني انا بحس حالي خلقتني بهيداك الزمن يعني انو بحب البيوت القديمة كثير ممم اذا
بشوف مثلاً يعني ممم بس بس هيك character هيك بيت قديم بحس هيك ب[تأثير صوتي] واو انو ياريت انا بقدر كون في مثلاً فهيدا--

م.ن.: ___ ممم في تقاليد بتتذكري مثلاً كنتو تعملوها بطولتك، بالضيع تبعكي، كنتي كثير تحبها ما بقا تشوفها هلق؟

د.ج.: [00:35:12] ممم مش ما بقا نشوفا هلق، هلق انا مع امي ما يعني الماما هي كانت عايشة بالمدينة يعني ومنا يعني اذا شي ممكن
تتذكر شوي من سنك، من من تانا امو لبيبي و تانا ام امي، بس انو بتذكر هيك اشيا كثير خفيفة يعني مثلاً بتذكر كيف كانت تعملنا مثلاً هيك
تحبيب دست كبير و تعلمنا المربي في، موضوع المونة مثلاً انا كثير مأثرة بالمونة، و انا بحب اعمل مونة يعني في كمان لناس منجلي
بقولوك انو هيدي اوف وين بعدا و كذا بس انا هول الاشيا بشدوني بعملن يعني بعملن وبكون كثير مبسوطه يعني

م.ن.: مثل شو بتحبي عملي؟

د.ج.: [00:36:01] بعمل كل شي! بعمل كل شي مونة يعني. شو بدك مكدوس كل هالشي بعمل اكيد ايه

م.ن.: [تضحك] دالين عندي سؤال فيكي تخبرينا عن الصعوبات لي مرقتي فيها بمسيرتك الفنية، شو ما كانت هيك؟

د.ج.: [00:36:14] الصعوبات هي انوانت عم تتحدي زمن ويعني- عم بتفوتي على عالم ما بيعرف غير يرقص وهيدا، هيدا لاموسيقى
عندو هلق بس هي الموسيقى للرقص و لل، و جيتي انتي عم تتحدي هيدي الظروف ومشيتي عكس التيار اذا بدك، واجهت انو ايه في
ايمامات منت مثلاً كون عم غني، خلص وصلتي، شو بها مثلاً اسماهان ليه ما بدك تغنيلا لاسماهان، طب ما انو ما اسماهان ما بتعرفوها
طيب ما تعرفو على لي قبل، امم يعني صرت حس انو في انتقادات يعني انو انتي شو عم ترجعي عم تقومي الناس من الموتى، ما بقا تغنيلا
هيك يدنا نرقص و كذا، يعني enough او مثلاً تكوني انت بسهرة عم تغني هيك كلاسيك و تجي وحدة انو خلص اكيد بدك تواجهي اشيا
بعدين بتلاقي انو خلص بتتعودي على هيدا الشي يمكن بالاول بتلاقي شوي صعب، بعدين بتتعودي بصير مثل عندك مناعة يعني و
البراسك بدك عملي يعني و الموسيقى اذا هي عم تعملها لألك تتكوني انتي كمان مبسوطه، ما بتعوده هلق تفكري ب، بهالاشيا التافهة يعني

م.ن.: امم لقيتي هيك مجموعة يفهموكي هيك بتفهمو--؟

د.ج.: [00:37:39] ___ كمان كانت هيدي كانت هيدي شوي صعبة اكيد بالاول طلعتنا كمجموعة من الجامعة و كنا
مبسوطين انو نحن متفقين على انو ننشر هيدا التراث، بعدين صار في وجهنا مشاكل يعني بتعرفي بس يكون في عدة اراء بدو بصير في
عدة- في في مشاكل بالذوق، و بعدين بتعرفي على ناس و بترجعي و بالآخر بتستقري على اشخاص بتحسي انو انتي قادرة تفهمين
وهني قادرين يفهموكي بالآخر انتي عم تشتغلي مجموعة، فاكيد هيدي المجموعة اذا انتي بدك تكوني تحافظي عليها، بدو يكون في كثير
اشيا مترابطة مع بعض فيها او بتتفقوا من خلال النمط، في كثير اوقات مثلاً العاذفين ما بحبو انو بتلاقي واحد ممكن يكون جداً شاطر و
جداً محترف ما بحب مثلاً ام كلثوم، ما فيكي تتعامل معو للآخر، بالآخر بدو بصير في بدكن توقعو بصدام يعني فاكيد بدك تواجهي مشاكل
انك تلاقي الفرقة يلي انتي بدا تريحك و تحسي انو لازم تكمل كل مشوارك الفني معا لانو كل ما كان في فرقة متوحدة كل ما كان العمل
تبعولك ناجح اذا انتي عم تقدمي لأنو بتعرفي في شي مثل كنز لازم يدخلو مع بعض الفرقة يصيرو يفهموا على بعض من الاشارة هيك
المفروض يصير بالآخر يعني ام كلثوم ما كانت كل شهر او كل حفلة تعملها تغير الفرقة تبعينا اكيد هيدا الشي كثير اساسي انو يكون الفرقة

في ترابط بيناتن يعني ايه هيدي واجهة فيها مشاكل كثير الحمدالله اخر شي ظبطنا الامور و ان شاء الله منكمل، الظروف ما كثير بتسمح هلق بس ان شاء الله منقدر نكمل سوا

م.ن.: كمان مثلاً بس عزفتي بالانوماتوبيا (onomatopoeia) كنتي مع--

د.ج.: [00:39:41] مع قمر _____

م.ن.: ايه، مثلاً قدرتي عالم يمكن يفهموكي بحبو ال--

د.ج.: [00:39:46] قمر حدا ولا الذ من هيك وحدا كثير بحب هيدا النمط اكيد و تعرفت عليها من ضمن صديقة مشتركة لأننا سوا، ايه يعني قمر دائماً منحب نشغل سوا

م.ن.: واجهتي شي مشاكل بمسيرتك الفنية كونك امراة عم تغني هيدا اللون الموسيقي ولا ما كان ابدأ هيدا الشئ موجود؟

د.ج.: [00:40:12] لا موجود و في كثير ناس بتغني مش انو كثير كثير بس انو موجود في ناس مش انا لحالي بغني هيدا النمط، امم بس انو ما بيكفي يكون في واحد المفروض يكون العدد كثير كبير لحالي تكون قواية و نرجع اذا بدك تثبت هيدا النمط على اجري يعني نوقفو

م.ن.: ممم، يعني ما حسيتي شي مرة انو كونك امراة بأثر على شي؟

د.ج.: [00:40:38] لا لا ما حسيت انو انا شي "hors du sujet" [خارج عن الموضوع] يعني لا، مش هيك بس صعوبة اكيد انو ايه ماشية ضمن ببران- بشي عكس التيار و هلق ال- يمكن غيري عم يعملو على صعيد انو خلص ثقافة و بس، انا لي عملتو انو انا لا بدني كنت انزل للجمهور، لحالي ارجع طلع الجمهور معي فهدي كانت الصعوب عندي انو انا كيف بدني انزلو و ما بدني وطى من المستوى الفني تبعولي، فرتأيت من اني انزلن من خلال الاشيا يلي هني شوي ممكن يعرفوها و اطلع انا وياهن شوي شوي يمكن غيري ما فات بهيدي التجربة

م.ن.: او كيه دالين انتي بتأسيس مجموعة نسائية اسمها وتر؟

د.ج.: [00:41:27] مطبوط، انا عملت هيدي ال، لأنو كان عندي كثير اذا بدك، هلق في ناس بقولوك انو الموسيقى خلقت لل- مثلاً العزف خلق للرجال و انا هيدي شغلة كثير بتستقزني لأنو الموسيقى هي منا حكر على ولا حدا، يعني انا بعلم غنى شرقي وكان يجيني مرة اجيني زلمة عمرو و 74 سنة، و قتلو قلي فيي اكيد في مين ما كان بيقدّر يتعلم الموسيقى، هي منا ولا حكر ولا عددا ولا حتى على عمر معين، الموسيقى هي للكل و حرام تكون غير هيك و مين ما كان بيقدّر يتعلم الموسيقى يعني في كان اساتذة مرة كنت انا عم علم بتقوم في معلمة بتقول انو بليز ما تقبلو تلميذ مش قادر يصيب النوتا عملولو فحص و اذا الدو ما صابا ما تقبلو، ايه انا كثير عصبت و ما تقبلت هيدا الشئ لأنو كلنا خلقنا ما منعرف و نحن اتعلمنا و عملنا effort و تعلمنا و مشي الحال ما فيي احي قول لانسان بدو يتعلم موسيقى انت ما قادر تتعلم موسيقى، الموسيقى هي منا موهبة و بس، هي موهبة و دراسة، في يقدر يوصل الواحد اكيد معن تنينانن بصاروخ يمكن بسرة، بس اذا الموهبة منا موجودة اكيد في يوصل بس شوي بيتعب يمكن اكثر او بياخذ وقت اكثر و هيدي الفكرة

م.ن.: فاتتي قررتي تعملي مجموعة نسائية لأنو--

د.ج.: [00:43:14] ايه يعني مش مطبوط انو الموسيقى هي بس لل، و حبيبت اني اتعرف يعني على- و كان في عندي اصداق يعني هيك شفتن انو يلا تعي تنعمل فرقة بس كمان واجهنا مشكل، واجهنا مشكل بالوقت كيف بدنا نتمرن واجهنا مشكل بأنو مثلاً، عنا اللبنانية في مشكل انو ما منتقبل النصايح، من بعضنا يعني انا اذا عطيت نصيحة انو مينك انت تتعطيني نصيحة، ما عنا هيدا التقبل، هيدي الثقافة، هيدي كمان لازم تكون موجودة عنا، يعني انا لو كنت محترفة بس انا بعلط، مش معقولة انو انا ما اغلط، و اذا حدا وجهلي هيدا، اه والله او كيه كثير منيح merci على هالنصيحة، هيدي الثقافة كمان مش موجودة عنا، واجهت مشكل فيها و للاسف يعني الفرقة ما ما قدرنا نكمل فيها، بس الفكرة كانت واردة يعني براسي بشكل قوي

م.ن.: مم، ان شاء الله يمكن يرجع

د.ج.: [00:44:24] كانت-- ايه اكيدة، مش مش

م.ن.: كانت حلوة الفكرة كثير

د.ج.: [00:44:32] اكيد كانت حلوة الفكرة و يلا

م.ن.: معلية [تضحك] عزفتو يعني سوا و هيك

د.ج.: [00:44:36] ايه عملنا حفلة، حفلتين! عملنا حفلة بطرابلس الصفدي و عملنا حفلة ببيروت، بتذكر بمسرح مايعرف ايا جامعة، نسيت

م.ن.: [؟؟؟ غير واضح؟؟؟]

د.ج.: [00:44:58] وين؟

م.ن.: [؟؟؟ غير واضح؟؟؟]

د.ج.: [00:44:58] لا-اهايه مطبوط، كمان، ثلاثة مطبوط ثلاثة حفلات مم

م.ن.: و كان الجمهور يعني هيك

د.ج.: [00:45:04] ايه انو واو مهضومين انتو بنات و كذا لا اكيد الفكرة كثير سلبية و حلوة يعني

م.ن.: [تضحك] مم دالين شو الدور لي عم تلعبوا الموسيقى هلق بحياتك بعرف بزمن الكورونا و كل الصعوبات لي هلق عم نمرق فيها انو عم نمرق بجو كثير حزين يعني و هيك

د.ج.: [00:45:21] شوفي ما هي الموسيقى هي مود يعني ايه اذا كان الجو منو، مش كثير ملاقم بتحسي حالك بعدتي عن الموسيقى، اكيد هيدا الشي هلق من وقت لوقت بقعد و بقول خاصة لأنو انا هلق بالجبل و عندي جنينة و انا عم بهتم فيها لجنينتي و عم بعمل مونة و، فيعدت، بعدت الى حد ما كثير عن الموسيقى و، بس بقعد بيني و بين حالي انو لا خلص اشتقت ما بقا فيني خلص بشيل العود و بقعد برندح يمكن انزل عند جارتي منزندح سوا، منقعد سهرة عائلية منغني و ف، ايه بس بعنقد الجو كمان ايه كثير بأثر

م.ن.: يعني حسيتي انو أثر على ابداعك، مش كثير؟

د.ج.: [00:46:11] لا الموسيقى ما بتروح منك، يعني هيدا الحلو فيها انو انتي بتوصلي لمرحلة هلق اكيد لازم تتطور، بس ما بترجي لورا و من وقت لوقت هي لوحدا يعني لوحداك انتي بتقولي انا ما بقا فيني اقعدي بلا موسيقى بدي ارجع اعمل موسيقى، مم بس اكيد الظروف يعني وقتا ما يكون في حفلات، وقتا ما يكون في مش عم تقدر تعلمي بشكل مطبوط، عم تبعد، هيدا الشي يلي بأثر يعني كلو بأثر على بعضو [تضحك]

م.ن.: قلتيلي هلق عم تهتم بالجنينة و هيك، كثير بتحب الطبيعة

د.ج.: [00:46:47] ايه هلق انا ايه هلق انا عايشة عيشة الفلاح، بتعريفها لغنيت محلاها عيشة الفلاح، ايه [تضحكان] كمان تجربة الطبيعة و الزرع، تجربة كانت كثير حلوة بالنسبة لألي، عشتها للاخر، و، بس كمان ما فيكي تنسي الموسيقى و domain بنفس الوقت هيديك بدا وقتا و الموسيقى بدا وقتا يعني بس مبسوطه هلق حالياً لأنو ما عندي شي اعملو بهيدا ال-- ركزت اكثر على الشغل لي انا كثير بحبو يعني مش مش عم يعملو غصب عني

م.ن.: فتي انتي هلق بالزراعة من ورا كورونا او انتي من قبل؟

د.ج.: [00:47:32] من ورا كورونا، ايه ايه من ورا كورونا

م.ن.: آه، عم تزرعي خضرة، فواكه

د.ج.: [00:47:36] عم بزراع خضرة انا و جوزي كمان يعني اذا بدك الشي لي صار وعاني على شي نحن منحبو! يعني ان كان انا ولا ان كان جوزي، بس فتننا ما منعرفو يعني نحن منجهل هيدا الشي، عملنا كثير ابحاث و عملنا دراسات، شي بيضط معنا و شي ما بيضط معنا، مم فكرة المونة و انا قررت اني عيش بالجبل كانت فكرة واردة عندي من زمان يعني، عملنا و لقيت حالي انو كثير شاطرة فيها و بقدر يعني اعمالا، كمان يعني هيدي متعة اذا بدك متلا مثل الموسيقى هواية يعني، ممم و هيك، هيك صارت

م.ن.: انتي من دابماً يعني بتحبي يكون عندك بيت بالجبل؟

د.ج.: [00:48:27] ايه ايه انا من عشاق هيدا الشي يعني و الحمد لله يعني هيدا ال "avantage" [هنا: فرصة قيمة] يعني انو اخترت هيدي الشي و صارت

م.ن.: دالين فيكي تخبرينا عن نهار بحياتك اليومية؟

د.ج.: [00:48:43] شو عم بعمل هلق؟

م.ن.: ايه

د.ج.: [00:48:45] يقوم الصبح، بدنا نحل العنزة، بدنا نعمل حليب، بجي على ال--منجيب الحليب و بدي شوف بدي اعمل فيهن لينة او بدي اعمل فيهن جبنة او بدي اعمل شنكليش، هيدي هي المون، بخلص الحليب بنزل بدي شوف بدي قطف الخيار، بدنا نقطف البامية البندورة، اذا طلع عندي كثير مثلاً بندورة لازم اطبخن و اكبسن لأعملن مونة، نفس الشي بكل ال-- كل شي في خضرة عندك زيادة بدك تعاملي، بدك تاخدي حاجتك اليومية، و اذا بقي زيادة بدك تضبيهن بطريقة تحفظهن للشتي، فانا يوميتي نهاري هيك عم بيكون يعني ف من عكرا لعشبة

م.ن.: و بيطلع عبالك وقات تدقي موسيقى و هيدا ال Energy

د.ج.: [00:49:34] بالاخير، باخر النهار وقتا تكوني هيك مرتاحة و كذا، حسب قديش انتي قادرة لأنو الموسيقى بدا كمان [؟؟؟تبعينك؟؟؟] يعني توصلي للاخر ما الك جلادي تفتحي العود، ممم هلق عم بيلش يصير الوضع احسن energy اذا انتي فضيت ال-- فعم لاقى وقت اكثر للعود

م.ن.: او كيه، ممم، كيف بتهتمي بحالك مثلاً عندك هيك وقت من النهار لتهمتي بحالك او بتحسي انو مش عم بيكون الك جلادة و الوضع كثير ببأس؟

د.ج.: [00:50:08] يعني لفلك شو، بناتي هلق ماما انتي كثير مثلاً مش هيدا لازم تعاملي، يعني كل يوم، ال-- لما يكون في عندك شغل كثير بالجينة يعني ما بتفضي حتى توقفي على المراية و تشوفي حالك اكيد يمكن اوقات بقول لاناو انا كثير قاشطة يمكن على الاخر لازم اكثر ارجع انتبه لحالي و للموسيقى تبعيتي، مم بس انو يعني كلو كلو لحالي تقدر تنسق بين هيدا و هيدا و هيدا و هيدا مم كمان انا حدا كثير بالبيت super woman بدو وقت و كلو بدو، بدك -- ممنوع الاكل المش صحي، ممنوع انا بدي اطبخ كل شي بايدي انا ببدي اعمل، هيدا كلو بياخد وقت يعني، و بالاخير strict كمان في عندي تلاميذ ما بدي كمان يعني هول عاملتن اذا بدك لو شو ما صار ما بدي وقف انا و ياهن لأنو هلق كثير حابين انن يكملوا، فان شاء الله الله يعطيني القوة و اقدر اني اجمع بين الكل

م.ن.: ان شاء الله، بعدك عم تعلمي يعني حتى هلق بالكورونا عم يجو تلاميذ و عم تعلمي؟

د.ج.: [00:51:25] مش كتار كثير خفو، بس لي حابب هلق يعني و بيتحدا كل الظروف ما فيكي تتركي يعني

م.ن.: ممم، محمسة يرجع الوضع يمشي الحال و ترجعي تغني بحفلات و هيك؟

د.ج.: [00:51:38] اكبيد، اكيد خلص اشتقت، يعني ما فيكي كل شي بتختبري بالحياة انو الزراعة هي كانت خيرة لألي ميسطت فيها و حسيت انو انا اكتسبت اذا بدك شي و سلاح ضد الظروف الصعبة يعني، يعني غيري مثلاً بقلي منيح انو انتي عندك هيدا ال -- بالنسبة لألي، انا بشكر ربي عليه، لو كان عم ياخذ جهد كثير كبير مني، بس انا بعتبر حالي انو انا option يعني هيدا option يمكن لو بتطربق

الدني انا اكتفاء ذاتي كلي عندي بالجبل، بس برجع انو لا انا مني مش هيدا مطرحي انا لازم ارجع safety على الموسيقى و لازم ارجع غني و اكيد هيك

م.ن.: اوكيه، مرسى كثير دالين

د.ج.: [00:52:28] اهلاً اهلاً مريانا مرسى لألك
[تضحكان]